

Were derohalben gut / daß alle Chirurgi solchen
 wüsten zu machen / vnd denselben an statt ihrer
 Salben / mit welchen so viel / leicht curirliche frische
 Wunden / versäumet / verderbet / vnd in abschew-
 liche ulcera gebracht werden / insonderheide weil er
 wenig Kosten vnd Mühe zu machen erfordert / ge-
 braucheten. Will man aber diese Liquores reiner
 haben / so muß man dieselbe mit Spiritu Vini über-
 gießen vnd extrahiren / geben ihre Tinctur gern von
 sich / vnd lassen viel fæces zurück liegen / welche un-
 nützlich seyn / die Tinctur aber wird desto besser /
 reiner vnd kräftiger / also daß man deren nur 4.
 oder 5. Tropfen zum purgiren von nöthen hat / da
 man anders des groben zu 4. 6. 8. bis auff 12.
 oder 16. haben muß / vnd würcket diese extrahirte
 Tinctur eüsserlich viel besser / vnd hältet sich auch
 länger / als der Balsamus oder Liquor thnt / welcher
 mit der Zeit schimlich vnd weiß oben auff wird / das
 Extractum aber nimmermehr verdirhet. Wenn
 man aber den Liquorem oder Balsamum distilliren
 will / so ist es nicht nöthig / daß er extrahiret werde /
 sondern kan also / wie er durch das Kochen gemacht
 worden / distilliret werden / auff solche Weiß vnd
 Wege / gleich wie oben bey dem Saturno ist gelehret
 worden / so geht vom Marte ein gelber / vnd von
 Venere ein grünlicher Spiritus vnd Oleum über /
 dieser Spiritus vnd Oleum von Marte kan sicher in
 peste febribns obstructionibus vnd corruptione
 sanguinis à scrupulo 1. ad drachmam j. gebraucht
 werden / ist viel bequamer den Schweiß damit zu
 befür.

AB
JW